


大清會典

六十





內閣文庫			
函	冊	號	類
二	四	一八九九	漢書
九			

內閣文庫			
函	冊	號	類
二	四	一八九九	漢書
九			

內閣文庫			
番號	漢	1889	
冊數	141 (60)		
函號	295	1	







大清會典卷之六十六

禮部二十

羣祀四

京都祀典

輦轂重地。

百神效靈。祀典所載。歲有常期。具列於後

真武廟

順治八年題准。每年恭遇

萬壽聖節。遣官致祭

真武之神

一前期。禮部題請遣太常寺堂官一員行禮。由今

太常寺

一祝文。用白紙。墨書。黃紙鑲邊。太常寺官具補服。捧祝文。前排御仗一對。至

真武廟殿內。安設祝文桌上。一跪三叩頭。退

一祭品

禮神制帛一

白色

白磁茶盃三

菓品五

核桃。荔枝。圓眼。棗。栗。各一盤

饅首五盤

蒸糕五盤

餅四盤

高頂一盤

一祭日早。陳設畢。教坊司作樂。贊引官引承祭

官進左旁門。至盥洗所。盥洗畢。引至殿內。行禮

處立。典儀唱執事官各司其事。贊引官贊就位。

承祭官就位立。典儀唱迎神。司香官捧香盒跪

於爐左。贊引官引承祭官就香爐前立。贊上香。

承祭官上柱香於爐內。又三上塊香畢。贊引官

贊復位。承祭官復位立。贊引官贊跪。叩。興。承祭

官行三跪九叩頭禮。興。典儀唱奠帛。行初獻禮。

捧帛茶官捧帛茶。各詣

神位前。奠帛官跪獻畢。行三叩頭禮。退。捧茶官立

獻於案上正中。退。讀祝官至祝案前。一跪三叩

頭捧祝文立。贊引官贊跪。承祭官讀祝官俱跪。贊引官贊讀祝。讀祝官讀畢。捧至

神位前。跪安帛匣內。三叩頭退。贊引官贊叩。興。承祭官行三叩頭禮。興。典儀唱行亞獻禮。捧茶官獻茶。如初獻儀。獻於案左。退。典儀唱行終獻禮。捧茶官獻茶。如亞獻儀。獻於案右。退。典儀唱送神。贊引官贊跪。叩。興。承祭官行三跪九叩頭禮。興。典儀唱捧祝帛恭詣燎位。捧祝帛官至神位前。行一跪三叩頭禮。捧起祝帛。捧香官跪捧。不祝帛香依序捧送。承祭官退立西旁。俟祝帛

過。復位立。贊引官贊詣望燎位。引承祭官至燎位。焚祝帛。贊引官贊禮畢。退

一祝文

維 年歲次 月 日

皇帝遣 致祭於

北極佑聖真君曰。茲朕誕辰。惟

神永遠嘿佑。謹以茶果庶品之儀致祭。尙

饗

東嶽廟

順治八年題准。每年恭遇

萬壽聖節遣官致祭

東嶽之神

一前期禮部題請遣太常寺堂官一員行禮由今

太常寺

一祝版白紙墨書黃紙鑲邊前期太常寺官捧送廟內安設如常儀

一陳設

禮神制帛一青色

白磁爵三

牛一

羊一

豕一

菓品五

核桃荔枝圓眼棗栗各一盤

酒一尊

一祭日陳設畢教坊司作樂贊引官引承祭官至盥洗所盥洗畢引至殿內行禮處立典儀唱執事官各司其事贊引官贊就位承祭官就位立典儀唱迎神司香官捧香盒跪香爐左贊引官引承祭官就爐前立贊上香承祭官上柱香爐內又三上塊香畢贊引官贊復位承祭官復位立贊引官贊跪叩興承祭官行三跪九叩頭禮興典儀唱奠帛行初獻禮捧帛官跪獻畢三叩頭退執爵官立獻爵於案上正中退讀祝官

至祝案前。一跪三叩頭。捧起祝文立。贊引官贊跪。承祭官及讀祝官俱跪。贊讀祝。讀祝官讀畢。捧祝文跪安案上。帛匣上。三叩頭。退。贊引官贊叩。興。承祭官行三叩頭禮。興。典儀唱行亞獻禮。執爵官獻爵。如初獻儀。獻於案左。退。典儀唱行終獻禮。執爵官獻爵。如亞獻儀。獻於案右。退。典儀唱送神。贊引官贊跪。叩。興。承祭官行三跪九叩頭禮。興。典儀唱捧祝帛恭詣燎位。捧祝帛官至案前行一跪三叩頭禮。捧起祝帛。司香官跪捧。不叩依次送至燎爐。承祭官轉立西旁。候祝帛過。仍復拜位立。贊引官贊詣望燎位。承祭官至燎所。祝帛焚半。贊引官贊禮畢。退。

一祝文

維 年歲次 月 日

皇帝遣 致祭於

東嶽泰山之神曰。茲朕誕辰。惟

神永遠嘿佑。謹以牲醴庶品之儀致祭。尙

饗

都城隍廟

順治二年八月二十七日。祭

城隍之神。遣太常寺堂官行禮。是後歲以爲常。○
八年題准。凡遇

萬壽聖節。遣官致祭

一 每年二次致祭。前期禮部題請。今由太常寺

一 祝文。白紙糊版。黃紙鑲邊。墨書。太常寺官捧

送廟內安設。如常儀

一位前陳設

禮神制帛一 白色 白磁爵三

牛一 羊一

豕一 鉶二

簠二 簋二

籩十 豆十

萬壽節日供品

菓品五 核桃。荔枝。圓眼。棗。栗。各一盤 酒一尊

一 正祭日供設畢。教坊司作樂。贊引官引承祭官進左旁門。至盥洗所。盥洗畢。引至殿內行禮處立。典儀唱執事官各司其事。贊引官贊就位。承祭官就拜位立。典儀唱迎神。司香官捧香盒跪於爐左。贊引官引承祭官就香爐前立。贊上香。承祭官上柱香於爐內。又三上塊香。畢。贊引

官贊復位。承祭官復位立。贊引官贊跪叩興。承祭官行三跪九叩頭禮。興。典儀唱奠帛。行初獻禮。捧帛官跪獻畢。三叩頭退。執爵官立獻爵於案上正中。退。讀祝官至祝案前。一跪三叩頭。捧祝文立。贊引官贊跪。承祭官讀祝官俱跪。贊讀祝。讀祝官讀畢。捧祝文至

神位前。跪安帛匣上。三叩頭退。贊引官贊叩興。承祭官行三叩頭禮。興。典儀唱行亞獻禮。執爵官獻爵。如初獻儀。獻於案左。退。典儀唱行終獻禮。執爵官獻爵。如亞獻儀。獻於案右。退。典儀唱送

神。贊引官贊跪叩興。承祭官行三跪九叩頭禮。興。典儀唱捧祝帛恭詣燎位。捧祝帛官至

神位前。一跪三叩頭。捧起祝帛。司香官跪捧香。不

依次送至燎所。承祭官退至西旁立。俟祝帛過。

仍復位立。贊引官贊詣望燎位。承祭官至燎位

立。焚祝帛半。贊引官贊禮畢。各退

一祝文

維 年歲次 月 日

皇帝遣 致祭於

都城隍之神曰惟

神正直實贊靈化捍禦之功都邑所賴祇嚴歲祀
用答

神庥尙其歆茲永福黎庶尙

饗

萬壽節祝文

皇帝遣

致祭於

都城隍之神曰茲予初度之辰仰荷

神恩永垂護佑謹以牲醴致祭尙

饗

關帝廟

順治元年定每年五月十三日祭

關聖帝君遣太常寺堂官行禮不致齋由禮部題

請今由太常寺○九年

勅封忠義神武關聖大帝

一祝文用白紙糊版黃紙鑲邊墨書前期一日

太常寺官具補服捧舉前列御仗一對送至

關帝廟安設如常儀

一陳設供品

禮神制帛一白色

白磁爵三

牛一

羊一

豕一

菓品五

核桃荔枝圓眼棗栗各一盤

酒一尊

一祭日陳設畢。教坊司作樂。贊引官對引官。引承祭官進左旁門。至盥洗所。盥洗畢。引至殿內。行禮處立。典儀唱執事官各司其事。贊引官贊就位。承祭官就位立。典儀唱迎神。司香官捧香盒跪於爐左。贊引官引承祭官至爐前立。贊上香。承祭官上柱香爐內。又三上塊香。畢。贊引官贊復位。承祭官復位立。贊引官贊跪。叩興。承祭官行三跪九叩頭禮。興。典儀唱奠帛。行初獻禮。

捧帛官跪獻畢。行三叩頭禮。退。執爵官立獻爵於案上正中。退。讀祝官至祝案前。一跪三叩頭。捧祝文立。贊引官贊跪。承祭官讀祝官俱跪。贊引官贊讀祝。讀祝官讀畢。興。捧至案前。跪安帛匣上。三叩頭。退。贊引官贊叩興。承祭官行三叩頭禮。興。典儀唱行亞獻禮。執爵官獻爵。如初獻儀。獻於案左。退。典儀唱行終獻禮。執爵官獻爵。如亞獻儀。獻於案右。退。典儀唱送神。贊引官贊跪。叩興。承祭官行三跪九叩頭禮。興。典儀唱捧祝帛恭詣燎爐。捧祝帛官至

神位前。一跪三叩頭。捧起祝帛。司香官跪捧香起。
不承祭官退立西旁。俟祝帛捧過。仍復位立。贊引官贊詣望燎位。承祭官至燎所。祝帛焚半。贊引官贊禮畢。各退。

一祝文

維 年歲次 月 日

皇帝遣 致祭於

忠義神武關聖大帝曰。惟

帝純心取義。亮節成仁。允文允武。乃聖乃神。功高當世。德被生民。兩儀正氣。歷代明禋。英靈丕著。

封號聿新。敬修歲事。顯佑千春。尙

饗

火神廟

康熙二年定。每年六月二十三日祭

司火之神。遣太常寺堂官行禮。由禮部題請。今由太常寺

一前期送祝版。正祭日設供品。及迎神。上香。奠帛。獻爵。讀祝。送神。望燎。一應禮儀。俱與

關帝廟行禮同

一祝文

維 年歲次 月 日

皇帝遣 致祭於

司火之神曰惟

神令司赤帝德炳離明。居此良辰。爰修專祀。

鑒茲特典。綏我烝民。尚

饗

紅衣發貢神

順治間定。每年九月初一日致祭。遣八旗漢軍

都統一員行禮。由禮部題請

今由太常寺

一祝文。用白紙墨書。前期一日。捧祝官一員前

捧。列御仗一對。太常寺官隨至祭所。安設紅案

上。上香。捧祝官一跪三叩頭。退

一祭日。八旗排設

紅衣發貢砲八處。每旗為一壇

用白磁爵三 羊一

豕一 酒二尊

關帝軍牙六纛。城隍土地馬王五火。火速紙馬各

一分。是日。承祭官於八旗正中行禮。八旗陪祀

都統以下各官。俱於本旗處。隨承祭官行禮。俱

常服。其迎神。上香奠爵。讀祝。送神。望燎。一應禮

儀俱與

關帝廟行禮同

一祝文

維

年歲次

月

日

皇帝遣

致祭於

紅衣發貢之神曰惟

神欽

天命而無私。助揚威武。有功國家。茲當季秋之日。特以

牲醴。遣官致祭。

神其鑒之。尚

饗

武壯王祠

順治十一年。

諭建定南武壯王祠。每年二月八日致祭。遣太常寺

堂官行禮

一祝文。白紙墨書。前一日。太常寺官捧送至

祠堂安設紅案上。上香。一跪三叩頭。退。

一陳設供品

白色帛三

白錫爵九

羊一

豕一

菓品五核桃荔枝圓眼棗栗各一盤酒一尊

一正祭日。上香奠帛爵讀祝望燎等儀。與火神廟同。但遣祭官。止行二跪六叩頭禮。

一祝文

維 年歲次 月 日

皇帝遣

諭祭於定南武壯王孔有德之靈曰。人臣盡忠仗節。矢天日而不渝。朝廷恤死酬勲。撫歲時而增感。爾定南武壯王孔有德。膚功早著。偉烈長存。茲當仲春之辰。益念忠良之績。特頒祭典。用慰幽

靈。王如有知。尚克

歆饗

嶽瀆歷代陵寢祀典有司各祀典附

凡各處嶽鎮海瀆。及歷代帝王陵寢。恭遇

登極親政。尊加

徽號。冊立

東宮。一應慶賀大典。頒布

恩詔。必遣官分行祭告。每年仍令有司以時致祭。其

餘山川社稷文廟城隍。古今聖賢忠臣烈士。名宦鄉賢。厲壇。載在祀典者。俱令有司歲時致祭。

茲以現在舉行者備列於後

嶽鎮海瀆

東嶽泰山。山東泰安州祭

西嶽華山。陝西華陰縣祭

中嶽嵩山。河南登封縣祭

南嶽衡山。湖廣衡山縣祭

北嶽恒山。山西渾源州祭

州

順治初。於直隸曲陽縣致祭。十七年。移祭渾源

東鎮沂山。山東青州府祭

西鎮吳山。陝西隴州祭

中鎮霍山。山西霍州祭

南鎮會稽山。浙江會稽縣祭

北鎮醫巫閭山。遼東廣寧衛祭

東海。山東萊州府祭

西海。山西蒲州祭

南海。廣東廣州府祭

北海。河南濟源縣祭

河瀆。山西蒲州祭

江瀆。四川城都府祭

淮瀆。河南唐縣祭

濟瀆。河南濟源縣祭

歷代帝王陵寢

伏羲氏。河南陳州祭

媧皇氏。山西趙城縣祭

神農氏。湖廣鄆縣祭

軒轅氏。陝西中部縣祭

少昊氏。山東曲阜縣祭

高陽氏

高辛氏。俱直隸滑縣祭

堯帝。山東東平州祭

舜帝。湖廣寧遠縣祭

夏禹王。浙江會稽縣祭

商湯王。山西滎河縣祭

商中宗。直隸內黃縣祭

商高宗。河南西華縣祭

周文王。

周武王。

周成王。

周康王。俱陝西西安府祭

漢高祖。陝西涇陽縣祭

漢文帝。陝西咸寧縣祭。

漢宣帝。陝西長安縣祭。

漢光武帝。河南孟津縣祭。

後魏文帝。陝西富平縣祭。

唐高祖。陝西三原縣祭。

唐太宗。陝西醴泉縣祭。

唐憲宗。陝西蒲城縣祭。

唐宣宗。陝西涇陽縣祭。

後周世宗。河南鄭州祭。

宋太祖。

宋太宗。

宋真宗。

宋仁宗。俱河南鞏縣祭。

遼太祖。遼東廣寧中屯衛祭。

金太祖。

金世宗。俱順天府房山縣祭。

元太祖。

元世祖。俱順天府望祭。

明太祖。江南江寧府祭。

明宣宗。

明孝宗。

明世宗。俱順天府昌平州祭

先師孔子。山東曲阜縣祭

一內閣撰擬祭文

一工部造香亭罩袱緞袱等項

一戶部備降真香速香等項

一太常寺備制帛

一遣內閣宗人府翰林院詹事府六部都察院卿寺鑾儀衛等衙門滿漢侍郎以下四品以上堂官開列職名具題。

欽點差往致祭

一欽天監選擇吉日。先期致齋一日。至期早禮部太常寺官陳設祭文香帛於

中和殿恭請

皇上陞殿。闋畢。遣行

一祭品

牛一

羊一

豕一

登二

籩豆各十

簠簋各二

酒燭俱行該地方司府官備辦

一咨直隸巡撫

一照會江南浙江山東山西河南陝西湖廣四川廣東各布政司

一劄山海道

順治八年以親政遣官祭告嶽鎮海瀆○是年恭上

昭聖慈壽皇太后尊號遣官祭告歷代陵寢先師闕里等七處凡七員

一差陝西四川等處

西嶽 西鎮 江瀆 軒轅氏 周文王 武王 成王 康王 漢高祖 漢文帝 漢宣

帝 後魏文帝 唐高祖 唐太宗 唐憲宗 唐宣宗

一差山東等處

東嶽 東鎮 東海 金天氏 帝堯 闕里

一差河南等處

中嶽 北海 濟瀆 淮瀆 伏羲氏 商高宗 漢光武 周世宗 宋太祖 宋太宗

宋真宗 宋仁宗

一差江南湖廣等處

南嶽 神農氏 帝舜 明太祖

一差浙江廣東等處

南鎮 南海 夏禹王

一差直隸山西等處

北嶽 中鎮 西海 河瀆 媯皇氏 高陽

氏 高辛氏 商湯王 商中宗 元太祖

元世祖 金太祖 金世宗

明宣宗 明孝宗 明世宗

一差遼東

北鎮

遼太祖

康熙六年

皇上親政。七月。遣官祭告嶽鎮海瀆等八處。凡八員。

南鎮南海。分爲二差。餘如舊。十二月。祭告歷代陵寢先師闕

里。分爲八處。遣官八員。俱由兵部給付勘合。其

祭文祭品香帛等項。俱照順治八年行○十四

年。

册立

東宮。遣官祭告嶽鎮海瀆。歷代陵寢先師闕里。共

分爲八處。遣官八員

山東 嶽鎮海三 陵 遣官一員

陝西 嶽鎮二 四川 瀆一。在西 遣官一員

河南 嶽海瀆四 遣官一員

湖廣 嶽一 陵二。俱 廣東 海一 遣官一員

山西 嶽鎮海瀆 遣官一員

江南 陵一 浙江 鎮一 遣官一員

廣寧

鎮一

遣官一員

直隸

陵八

遣官一員

十六年。以長白山係

祖宗發祥重地。照嶽鎮例。封爲長白山之神。每年春秋

二祭。令寧古塔將軍。遣官在吳喇地方。設幄望

祭。如遇吉禮。遣官祭告五嶽五鎮。亦遣官至吳

喇地方望祭。

與北鎮爲一差

其祭文由翰林院撰擬。應

用犧牲器皿帳幄等項。俱

盛京禮工二部備辦。○二十年。滇南蕩平。遣官祭

告嶽鎮海瀆。歷代陵寢。先師闕里等處。分嶽鎮

海瀆爲八差。陵寢闕里爲八差。於所遣正祭各

官外。每處遣看守香帛祭文官各一員。於禮部

太常寺筆帖式內移取。又每差給黃緞傘一柄。

御仗一對。燻一對。欽差牌一對。○二十三年。東

巡。遣官祭告嶽鎮海瀆等處。其應差各官。開列

具題

欽點。併遣看守香帛官。俱與二十年同

凡嶽鎮海瀆帝王陵寢。所在有司。每歲春秋致

祭。○順治元年定。昌平州明十二陵。每陵設太

監二名。陵戶二十名。春秋二祭。撥給香火口糧

地共二十一頃。令虔潔禋祀。禁止樵牧。○二年。令房山縣金陵。該縣於常用祭品外。加以太牢。○六年。題准。守陵太監。照舊留用。陵戶止留六名。共給地二百畝。○又定。房山縣金陵。設陵戶五十名。每歲春秋二祭。該縣依期行禮。○十六年。

上巡幸畿輔。道經昌平。遣官各一員。祭明成祖以下十二陵。每陵白色禮神制帛一。牛一。羊一。豕一。供酒菓。點香燭。讀祝文。○十七年。追謚明崇禎帝爲莊烈愍皇帝。遣官致祭。○康熙十一年。遣

官各一員。祭明成祖以下十二陵。○十三年。

皇上巡幸畿輔。道經昌平。遣官各一員。致祭明成祖以下十二陵。○二十三年。

皇上東巡。南至江寧府。

躬祭明太祖陵

凡

河神。順治三年。題准。特封。

黃河神爲顯佑通濟金龍四大王之神。

運河神爲延休顯應分水龍王之神。令河道總督致祭。祭文。內院撰給。祭品。地方官備辦。○康熙

二十三年。

皇上東巡。遣官致祭河神。祝文由內閣撰擬。發太常寺。用白紙糊版。黃紙鑲邊。墨書。所用供品。禮神制帛一。白。圓降真柱香一炷。黃速香一觔。由太常寺預備。羊一。豕一。籩十。豆十。簋二。簠二。白磁爵三。酒一尊。燭臺三對。由地方官備辦。行禮儀注。與祭火神廟同。

一祝文

維康熙 年歲次 月 日

皇帝遣 致祭於

金龍四大王之神曰。惟

神忠心貫日。正氣凌霄。奠蔀屋之寧居。功襄平土。挽銀河之激浪。力奏安瀾。三月春流。無恙桃花之水。千官扈蹕。莫愁瓠子之宮。朕念蒼赤之艱難。歷黃淮而巡省。萬艘飛輓。咸有藉於神庥。九曲澄波。實遠資夫明德。凡此平成之效。盡邀默運之靈。特遣從官。吉蠲用享。惟

神來格。尙其

歆鑒

凡

會典卷之六十一
三十一
洞庭湖神。康熙十八年議准。封爲洞庭湖之神。遣
官齋香燭。前往讀文致祭。祭文。由翰林院撰擬。
香帛。由太常寺備辦。遣禮部司官前往致祭。一
應禮儀。俱照黃河神例行。

凡

天妃。康熙十九年議准。封爲護國庇民妙靈昭應
弘仁普濟天妃。遣官獻香帛讀文致祭。祭文。由
翰林院撰擬。香帛。由太常寺備辦。遣禮部司官
前往致祭。一應禮儀。俱照黃河神例行。

凡

雞公山神。康熙二十二年覆准。以兵駐永興。雞公
山神顯應。焚香素饌供奉。讀文致祭。寺門懸掛
勅建牌匾。內有

真武之神。現在祀典。封爲

北極佑聖真君。亦供獻香帛讀文致祭。其香帛由
太常寺備辦。遣禮部司官一員。前往致祭。仍令
該地方官。每年春秋二次致祭。

凡府州縣

風雲雷雨

山川

城隍之神。共一壇。每歲春秋仲月致祭。用制帛七。俱白色。陳設行禮。

凡府州縣

社稷壇。每歲春秋仲月上戊日祭。陳設行禮。與山

川壇同

凡府州縣

文廟。每歲春秋仲月上丁日。令地方印官主祭。陳設行禮。與國子監歲祭同。○康熙二十五年議准。令協領副將以上。照例文左武右。陪祀行禮。凡厲壇。每歲清明日。七月十五日。十月朔日。祭

無祀鬼神於本城之北郊。府州稱郡厲。縣稱邑厲。用羊三。豕三。飯米三石。香燭酒紙隨用。祭時有告城隍文

康熙元年令。奉天府州縣設立

山川

社稷等壇。

文廟。

城隍土地神廟。及厲壇。照例致祭。○四年令。錦州府州縣設立

山川

社稷等壇。

文廟。

城隍土地神廟及厲壇如奉天府例

王府廟祀

崇德元年定宗室封王者立家廟致祭○順治五年定宗室封王無嗣者

太廟祔祭有嗣者令其子孫立家廟致祭○十年定郡王以上祀追封祖父於家廟貝勒以下祀追封祖父於墳墓

一建廟莊親王立一廟禮親王異親王謙郡王共立一廟肅親王立一廟饒餘郡王端重親王共立一廟穎親王順承郡王共立一廟豫郡王立一廟克勤郡王衍禧郡王共立一廟一祭期定於正月四月七月十月歲暮日前期三日齋戒候

皇上祭

太廟諸王陪祭禮畢各回府致祭凡有薦新品物如太廟未獻之先不許家廟供獻

一廟制正殿五間臺基高二尺一寸院內東廂房三間貯祭器及祭獻等項西廂房三間貯樂

器。臺基俱高一尺六寸。大門三間。臺高一尺六寸。院內西旁門一座。院內東旁設焚帛爐一座。大門外西旁。設宰牲房三間。其正殿。廂房。大門。俱五色彩畫花草。上用綠瑠璃瓦。殿門牆外用紅土。內用石灰。院牆用紅土。綠瓦蓋頂。帛爐亦用綠瓦。

一牌位。高二尺。寬四寸。朱紅色。上刻追封謚號。墨書。設於紅油漆龕內。設紅片。金帳幔。其廟中王位。以居中爲尊。餘分列左右。如止一王。正設中間。


一供品。每位前設紅案一。銅香爐一。銅燭臺二。銅花瓶二。供湯飯菓品紅案一。盛帛紅漆匣一。供牲槽一。白磁爵六。銀鑲象筋二雙。銀匙二。香盒一。酒尊一。銀壺一。銀杓一。白色帛二端。無妃者。止用帛一。爵三。匙一。筋一雙。獻帛紅案一。祭文案一。每王一位。用豕一。羊一。菓品八盤。麩餅四盤。飯二碗。湯二碗。所用樂器。與王府樂器同。一致祭前三日。王及子弟護衛所屬官員執事人等。妃及隨從婦女。俱各齋戒。前一日。備辦祭品宰牲。祭日。於神位前供祭品。大門兩旁設鼓。

樂畢。王率子弟護衛所屬官員俱朝服。從廟大門東旁門進。至廟東簷下。向西立。子弟在階上。向西立。護衛及所屬官員在階下。分班對立。執香盒人。詣香案旁立。引禮人引王從廟左門進。至香案前立。子弟護衛所屬官員各依本位向上排立。引禮人贊跪。王跪。贊上香。執香盒人跪進香。王接柱香拱舉上爐內。又三上塊香。如左右有王位者。先詣左位。次至右位。次第上香畢。復位立。引禮人贊跪。叩興。門外作樂。王行二跪六叩頭禮。興。子弟護衛所屬官員俱隨行禮畢。

樂止。引禮人贊奠帛。初獻。樂作。執帛爵官捧帛。爵在王左跪。接帛。爵官在王右跪。引禮人贊跪。王跪。受帛拱舉。授右接帛官。王又受爵拱舉。授右接爵官。王又受妃位前爵拱舉。授右接爵官。各官捧帛在前。爵在後。至位前。捧帛官跪獻。三叩頭。捧爵官立獻。各退。樂止。如兩旁有王位。護衛捧帛酒分獻。引禮人贊興。王興。讀祝人於祝文案前。一跪三叩頭。捧祝文在案東立。引禮人贊跪。王及子弟護衛所屬官員並讀祝人皆跪。引禮人贊讀祝。讀畢。讀祝人捧祝文。送至中位。

前跪獻於帛匣內。三叩頭退。引禮人贊叩。興。王等俱行三叩頭禮。興。引禮人贊亞獻。樂作。獻爵如亞。如初獻儀。樂止。引禮人贊終獻。樂作。獻爵如亞。獻儀。樂止。引禮人贊跪。叩。興。樂作。王率子弟護衛及所屬官員。行二跪六叩頭禮。畢。興。樂止。引禮人贊捧祝帛詣燎爐前。樂作。捧祝帛官進前。一跪三叩頭。各捧祝帛興。捧香官跪取香置盒內。興。王率子弟等俱退在西旁立。各官捧祝文在前。次帛。次香。俱從中道行至爐前。焚祝帛。贊禮畢。王等皆出。樂止。妃率隨從婦女俱朝服從。

西旁門入。由廟右門進。排立行禮畢。徹祭物回。如王有事。不得親祭。令子弟代祭。如無子弟。令護衛代祭。其奠帛祭品。該王自行備辦。引禮人於所屬官員內選充。其祝文。內院撰給體式。○又議准。諸王皆在京師。離墳塋相近。隨時親詣致祭。其京城內各立家廟致祭。俱令停止。



其後吳郡太守立宗政於吳
又新會諸王昔在京師世
世而無首員內數本其
其後吳郡太守立宗政於吳
又新會諸王昔在京師世
世而無首員內數本其
其後吳郡太守立宗政於吳
又新會諸王昔在京師世
世而無首員內數本其
其後吳郡太守立宗政於吳
又新會諸王昔在京師世
世而無首員內數本其

